



Broj: 01-02-1-1291/18  
Sarajevo, 29. 5. 2018.

**ZASTUPNIKU  
U ZASTUPNIČKOM DOMU  
PARLAMENTARNE SKUPŠTINE  
BOSNE I HERCEGOVINE**

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 29-05-2018			
Organizaciona jedinica	Klasifikaciona oznaka	Redni broj	Broj priloga

**Predmet: Prijedlog zakona o izmjenama Zakona o Javnom radiotelevizijskom sustavu Bosne i Hercegovine, dostavlja se**

Sukladno Odluci Kolegija Zastupničkog doma Parlamentarne skupštine Bosne i Hercegovine s 32.sjednice, održane 14. lipnja 2016., u privitku Vam dostavljam Prijedlog zakona o izmjenama Zakona o Javnom radiotelevizijskom sustavu Bosne i Hercegovine, predlagatelji: zastupnici Mladen Bosić, Aleksandra Pandurević, Nenad Lalić i Momčilo Novaković, koji je Odjel za lektoriranje Tajništva Parlamentarne skupštine Bosne i Hercegovine lektorirao na bosanski, hrvatski i srpski jezik.

S poštovanjem,

**Prilog:**

- Prijedlog zakona

**Dostaviti:**

- naslovu
- a/a



TAJNIK  
ZASTUPNIČKOG DOMA

Marin Vukoja

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na \_\_. sjednici Predstavničkog doma, održanoj \_\_\_\_2018. godine, i na \_\_. sjednici Doma naroda, održanoj \_\_\_\_2018. godine, usvojila je:

**Zakon o izmjenama Zakona o Javnom radiotelevizijskom  
sistemu Bosne i Hercegovine**

**Član 1.**

U Zakonu o Javnom radiotelevizijskom sistemu Bosne i Hercegovine („Službeni glasnik BiH”, br. 78/05, 35/09, 32/10, 51/15 i 25/16) (u daljnjem tekstu: Zakon) u članu 2. stav (1) alineja 10. koja glasi: "RTV taksa je taksa na posjedovanje radio ili TV prijemnika u domaćinstvu i kod pravnog lica" briše se.

**Član 2.**

U članu 8. tač. a) i b) Zakona brišu se. U istom članu tač. c) i d) postaju tač. a) i b).

**Član 3.**

Članovi od 17. do 25. Zakona brišu se. Član 26. Zakona pomjera se i postaje član 17, a na isti način se vrši prenumeracija ostalih članova.

**Član 4.**

U članu 42. Zakona st. (4) i (5) brišu se. U istom članu st. od (6) do (8) postaju st. od (4) do (6).

**Član 5.**

Član 43. briše se. Član 44. pomjera se i postaje član 43, a na isti način se vrši prenumeracija ostalih članova.

**Član 6.**

Ovaj zakon stupa na snagu osmog dana od dana objavljivanja u "Službenom glasniku BiH", a primjenjivat će se od 1. 1. 2019.

Predsjedavajući  
Predstavničkog doma  
Parlamentarne skupštine BiH

Mladen Bosić

Predsjedavajući  
Doma naroda  
Parlamentarne skupštine BiH

Ognjen Tadić

## **OBRAZLOŽENJE**

### **I - Ustavni osnov**

Ustavni osnov za donošenje ovog zakona sadržan je u članu IV. 4. a) Ustava Bosne i Hercegovine, prema kojem je Parlamentarna skupština BiH nadležna za donošenje zakona, u predmetnom slučaju Zakona o izmjenama Zakona o Javnom radiotelevizijskom sistemu Bosne i Hercegovine.

### **II - Razlozi za donošenje Zakona po hitnom postupku**

Osnovni razlozi zbog kojih se traži usvajanje Zakona po hitnom postupku je potreba za naknadnim promjenama entitetskih zakona, te kako bi se sredstva za javne emitere mogla planirati u budžetima za 2019. godinu.

### **III - Obrazloženje predloženih izmjena**

Dosadašnji način finansiranja Javnog RTV servisa BiH, odnosno entitetskih javnih RTV servisa je nepravedan sa stanovišta diskriminacije građana i različitih načina na koji se entitetske pravosudne institucije odnose prema obavezi plaćanja RTV takse, odnosno različite sudske prakse. Osim toga, javni emiteri nisu se ponašali kao servis svih građana, nego prvenstveno kao servis pojedinih vladajućih stranaka u entitetima, a građanima i opozicionim strankama koje kritiziraju rad vlasti nije bila omogućena proporcionalna zastupljenost u političkim programima. S obzirom na to da javni servisi nisu bili u službi svih građana, nije opravdano da oni plaćaju njihov rad. Stoga, Prijedlogom zakona predviđeno je da javni servis BHRT bude finansiran iz budžeta BiH, a da se entitetski RTV servisi finansiraju iz entitetskih budžeta.

### **IV - Konsultacije s relevantnim institucijama**

Prilikom izrade Prijedloga zakona, konsultirana su stručna lica iz ove oblasti.

### **V - Potrebna finansijska sredstva za realizaciju zakonskih rješenja**

Za realizaciju zakonskih rješenja treba predvidjeti potrebna sredstva u budžetima BiH i entiteta za 2019. godinu na osnovu naknadnih procjena potreba za rad emitera.

### **VI - Principi na kojima je Prijedlog zakona zasnovan**

Principi na kojima je Prijedlog zakona zasnovan su: princip zakonitosti, pravičnosti, društvene odgovornosti i transparentnosti.

### **VII – Usklađenost propisa s evropskim zakonodavstvom**

Prijedlog zakona o izmjenama Zakona o Javnom radiotelevizijskom sistemu Bosne i Hercegovine usklađen je s principima i standardima evropskog zakonodavstva.